



Орган Лемковского Союза.

Выходит в каждый четверг.

Редакция и администрация в Крынице. — Адрес „Лемко” Крыница.

Всіх читателів, котрі не вплатили ще пренумерати, просиме вирівнати якнайскорше рахунки.

Пренумерата в краю:  
30 грошей місячно,  
80 „ квартално  
1.50 „ полрочно,  
3 зл. рочно.  
В Америкі: 1 дол. рочно.  
В Чехословакиї:  
2 кор. місячно, 10 кор. полрочно,  
20 кор. рочно.  
Ціни оголошень:  
Ціла сторона 120 зл., 1/2 сто-  
рони 60 зл., 1/4 сторони 35 зл.,  
1/8 стор. 20 зл., 1/16 стор. 10 зл.;  
оголошення малы за 1 мм. 20 гр.,  
в тексті 30 гр., перед текстом  
40 гр. При місячному и довшом  
оголошеню значна знижка.  
Контото чекове № 404.155.

## Перша рочница смерти Маршала О. Пилсудского.

Дня 12. мая т. р. обходило ціле населенє Польши смутне торжество. В том дні минул рок от смерти Великого Вождя Польского Народа бл. п. Маршала Осифа Пилсудского.

По всіх святинях великой державы отслужено заупокойны богослуженя, в котрых приняли участь уряды, школы, организации и населенє.

Найимпозантнійше однак выпал тот печальный праздник в Вильні, где отбыло ся торжество перенесеня урны со Сердцем бл. п. Маршала и домовины Его Матери на виленске кладбище на Россі.

Торжество тото начало ся уж дня 11. мая вечером и приняли в нем участь кромі найблизшой родины и найвысших державных достойников с Г-ном Президентом Р. П. во главі также многотысячны ряды населеня с Виленщины и делегации с цілого краю.

В том дні о год. 20-ой по отданю 21. арматных выстрілов и освітленю рефлекторами костела св. Тересии, званого Остробрамским, перенесено домовину с тлінными останками Матери бл. п. Маршала до головной навы костела и отмуровано урну с Сердцем Сына.

Дня 12. мая о год. 9.35 по отслуженю заупокойного богослуженя через метрополита Ромуальда Яблржиковского в присутности Президента Річи Посполитой, членов правительства и представителей войска рушил похоронный кондукт через головны улицы міста Вильна в сторону кладбища на Россі.

Торжества в Вильні мали характер похорону войскового с церемониялом и войсковыма почестями, яки отдає ся лем найдостоиннійшим воякам.

В похороні приняло участь также священство православне, музулманске и караимске. Загальну увагу звертали на себе делегации с Німеччины, Америкы и навет с Далекого Выходу.

По приході похоронного похода на клад-

бище на Россі и зложеню урны с Сердцем бл. п. Маршала и домовины с прахом Его Матери до мавзолея, послідовало 3-ох минутне молчанє, войско спрезентовало оружє, артилерия отдала 101 выстрілов, а пак оркестр отограл державный гимн и отозвали ся дзвоны всіх виленских святинь. Знято чорный кир с величезного гранита и появила ся надпись: „Matka i Serce Syna”. По отограню Першой Брыгады, Г-н Президент выголосил бесіду, по котрой окончено похоронны торжества и народ начал ся с кладбища расходити.

## Италиянский король — цисаром Абисынии.

Уж в попередном числі доносили мы о укончательной побіді италиянов в Африці и о утечи негуса до Палестыны. Негус поселил ся в Ерусалимі. По єго бігстві абисынска армия перестала существовати. Поодынокы абисынскы вожды або поодступали, або поддали ся побідителям. Италияны опановали цілу Абисынию разом со столицом Аддис-Абебом.

Дня 9. мая отбыли ся по той причині в цілой Италии величезны радостны манифестации. Италиянске правительство оголосило, же от того часу стає утворена т. зв. Империя Римска, або, же Италия стає ся великом кольонийном державом. Дальше, правительство рішило того дня, же каждочасный король италиянский єст также цисаром абисынским. Рішеня тоты подал Муссолині до відома многотысячным толпам народа, котры приняли их с одушевленєм.

Безпосередно потом италиянский король подписал декреты, в силу котрых заименовал головного вождя италиянских войск

в Африці, маршала Бадوليو вице-королем Абисынии, а вожда полудневой армии ген. Грацияни маршалом.

Значенє италиянской побіды в Африці сягат далеко поза Африку. Побіда тота має значенє европейске и світове. Италия єст европейском державом и через тоту побіду увеличат ся значенє Италии в европейской и меженародной политыці.

Англия аж кусат ся от злости, же Италия загорнула для себе цілу Абисынию и оголосила себе кольонийным цисарством. Але Муссолини мог собі позволити на таке оголошенє, бо знає, же Англия єст тепер неприготовлена до войны. Она вооружат ся и аж на 1938 рок має окончити свои вооруженя. Италия выкорыстала зручно тот момент относительно своего головного кольонийного конкурента.

## Клопоты Рады Лиги Народов.

В Женеві єст тепер сесия Рады Лиги Народов. Рада Лиги має твердый орих до розгрызения, а именно Абисынию. На тоту тему пришло уж до конфликта, бо коли предсідатель Рады завозвал представителя давній негусовской Абисынии до занятя місца при столі нарад, втотчас встал делегат Италии и выходячи со салі сказал, што не може радити с представителем державы, котра уж не существует.

Рада Лиги нашла ся не в бодай яком ктототі, але здає ся, же зробит так як все, а именно ухвалит отложити дыскусию над том немилым справом.

## Волокитство стає ся несчастьем краю.

Кромі иншой біды, великим несчастьем наших сел стає ся волокитство, яке в послідных часах росне застрашаючо. Бывають дні, коли переходит через село 50 и больше



волокитов, переважно каждый отдельно, але часом ходят они и по двоих, або трох. Мало меже нима заслугуючих на правду на помоч, а переважно сут то лінтаи, котры уважают волокитство за легкий и доходовой фак. Часто также меже волокитами находят ся комунистычны агенты, звiщаючи скорый большевицкий переворот.

Волокиты ділят ся на городских (містowych) и сельских. Городский волокита зарабат денно пересічно 10 зл. и удержане, але ест наражений на часты отправы, опасность легитимованя и аресты. Сельский зарабат меньше (5 зл.), але веде жите спокойне, принимает лем грошеву запомогу, а в разі, если кто осмілит ся отправити его с ничим, то такой волокита не щадит ему теплых и крылатых слов и угроз, а часом доходит аж и до побитя або до подпалу. Тото всьо робит село улеглым в виду волокитов.

В 20 ч. „Gospodarza Polskiego” подає Тома Ржешовский, же провірил слідуочи случаи волокитства:

Фаховый работник в шкляной гуті, котрый зарабат денно 5 зл. шмарил роботу и стал волокитом. По року пришол до гуты и показал своим давным товаришам-работникам щадничу книжечку П. К. О. на 1500 зл., а притом выкормил ся добре и оділ. Зрозуміла річ, же тото заохотило других до волокитства.

Малоземельна родина, маюча на ґрунті достаточне удержане, обсервуючи жите волокитов, шмарят господарство, передіват ся в лахманы и иде в дальши села на волокитство. По року вертат с 2000 зл. готовых грошей. Розуміє ся, же тепер им ани не в голові робота на господарстві, бо волокитство лучше поплачат.

Такы то „безработны”, пише дальше автор, становят велику часть громады волокитов. Ест меже нима много злодієв и авантюриков, котры ширят по селах ріжны заразы.

Оден рослый драб каросненского повіта, хворый на остре египетске запалене очей, званный „содомита” ходит, як подає автор дописи, по селах короснянского повіта и в разі надыбаня в хаті самой женщины, вынимат 50 гр. и просит зроби ти ему яичницу. По сідженю вынимат векну суму (20, 30 або 50 зл.) и прирекат дати жен-

щині, если ся ему отдаст. В случаю, если женщина поддаст ся, он жадат зворота грошей, грозячи, же скаже о том мужови. Килько то заразы перенес тот драб в часі своєго долголітного волокитства.

Державна Полиция, занята другыма справами, замало звертат увагы на меньши крадежи по селах, а волокитами праві совсем не занимаєт ся. А преця волокитство нищит села господарчо и морально и повинно быти сильно гноблене. Автор дописи подає при конци добру мысль, штобы волокитов вывозити до Картуз Березы, бо лем такы міры могут поменьшати ряды опасных волокитов.

## Просты мысли.

(Писмо в редакцию)

Одна справа лежит ми барз на сердци и о ней хочу пару слов повісти.

Знаме добре, што каждый народ мусит мати свою интеллигенцию. Она ест мозгом народа, она его провадит, она его заступат всяди, она кує разом с ним лучшу долю. Без ней простому народу трудно бы устояти ся в ріжных житевых трудностях, трудно бы ити в парі с другыма народами.

Затяме сой тото добре и тепер призьрїме ся на себе, на наш русский народ. Што повісте?

Ой бракує, бракує нам нашей интеллигенции, котра бы разом с нами трудилась, котра бы несла світло чистой правды и науки до наших спрагненых сердец. Ряды нашей душой народу отданой интеллигенции проріділа война, проріділ тот страшный, несчастный Талергоф. Остали лем одыницы... И што дале?

Зле! И так быти не може! Мы здорова селянска маса и тота горстка нашей, стойкой, русской интеллигенции мусиме подумати над справом увеличеня рядов русской трудовой интеллигенции. То перша наша задача!

Мусиме тото зроби ти больше, же як видиме противна нам сторона, т. е. тоты, котры нас лишили и глядають счастья в украинах, благодаря доброй німецкой опеці ище за Австрию, давшой им свои школы, засипали наши села „ріжноманітною, новіт-

ньою” интеллигенциом (напр. священники, их братья, швагры, а часом и наши янычары) Вмісто того, штобы организова ти, просвічати наш народ, тота украинска интеллигенция сіє роздор, туманит нас фальшованом историом, кпит собі с нашего святого тысячлітного имени, выступат против наших славных читалень им. Качковского и веде наш народ до неминухой загибели.

Такой, украинской интеллигенции нам не треба. Мы мусиме мати свою, руску, любячу свой простый народ и его традиции.

Мусиме мати по перше — по селах высокосознательных наших людей (по многих селах они сут, але не всяди), котры бы тримали, же так повім, руку на пульсі села, котры бы были его предводителями, а одночасно противставили ся всякой явной и подпольной, а розєдинительной роботі нашлых украинцов. По друге — по містах тыж мусиме мати своих людей, кокры бы соединяли и гармонизовали труд поодынокых сел, давали людям совіты и указаня, представляли наши повітовы, ерганизации и вообще руководили руским житем в повіті.

Тогда будеме мати силу и с нами будут числити ся.

Если так, то зачнїиме от долу. Шлийме нашу молодеж до школ! До ремесла, до гандлю, до гимназии, на вселякы курсы, — до чого хцете, лем шлийме! Часть той молодежи може вывчити ся на дашто высше, а часть верне назад под родимы стріхы до работы. Мыслью, што выдатки на науку нам вернут ся сторицею.

Лем в тот способ поповниме ряды нашей селянской интеллигенции!

Дальше побесідуєме в слід числі. А вы, дороги читателі, тымчасом подумайте над тыма моима мыслями.

Тверезый газда.

## Дбайме о добры коровы.

Хотячи одержати рослы и молочны коровы у нас, мусиме взяти ся до умілого кормленя молодых телят.

Найотвітнійшим кормом для молодежи ест молоко, бо оно містит в собі всі склад-

## Писмо Ваня Березины.

Першла яр, світ зазеленіл ся и с каждым днем наши горы приберають инший вид. Мы любиме гордiti ся красом наших лемковских гор, але на села наши ище мало звертаєме увагы. Переходячи гостинцем через котре буд наше лемкомске село, видиме дост великы хаты, але так обставлены загатами, што добре треба уважати, где ест выгляд. Перед хатом купа оборнику, — широка и высока аж под стріху, а коло хаты вмісто саду самы вербы и ясені. В селі ціле літо лем сварка и згрыза меже сусідами о колик в плоті, або процесы о межу або оярочок. Як бы ту в наших горах был француз, або німец, то он бы ту поробил альтаны и спацеры по тых наших красных и живописных бережках и не ясені и не вербы росли бы ту, але садовина, котра с яри молоком бы заквитала и давала газдам смачну и здорову садовину, котрой бы старчило аж до новой!...

О той садовині варто бы нам ліпше подумати сїл бы ты брате, твоя жена и твои діти и не позерал бы ты, як там в місті продають на кварта, але мал бы своє, ище другого погостил бы, а в нас як дагде ест серед села добра яблонь, або груша, то всі о ней знають и лем квіт с ней злетит, уж діти с кыями чекають, а коли зародит, то уж має за своє: ціле літо атакують не лем малы але и стары и она бідна на осень так выглядат, як тота Абисиния по войні с талиянами.

Длятого я Вань Березина буду Вам братья лемкы часто писати и о садовині, бо и сам я лемко и хлоп, люблю садовину и седжу и щеплю сам и єдно ми росне а друге ссыхат, а с того ест наука, што можна и другим порадити. А мы лемкы слава Богу уж и не такы бідны, маме и свою интеллигенцию, котра вказує нам дорогу и желат нам добре. Хоц єдны вказують нам дорогу так, а другы инакше, але всі желают нам добра. Газету „Лемко” нам всім треба читати, она и не дорога, вывезеш [фурку дров и маш заплачену на цілый рок. А газета то так як годинник в хаті: ци на дворі хмарно, ци встанеш коли в ночи, посмотриш и знаш, котрый час, а без газеты николи не будеш знати, як світ мыслит, што ся діє во світі, а навет в другом повіті не будеш знати, што ся діє. Будеш знати але поздно.

Газета добра, бо она и дорогу вказує! Вказує до науки организации и до борбы за своє...

Але того року была яр дост плоха, земля засхла як камень я такой споневєраный, што лем ся завертам ище до того мал ем кепский плуг, што не прикладає добре скибу, лем метал аж на другый загон и пошол я с ним до цыгана и тот коло него як штоси пофиксовал, то не так, штобы го направил, лем ище горше попул, што уж не орал як треба, лем скибу крутил як роматыс, што ледво якоси тоту яр ем закончил. Але я не грызу ся, добре, што я достал ся на свіжий корень, я помалы зас отгрызу ся и вам дашто зас напишу.

Вань Березина.



ники потрібні до розвитку молодого організму, як н. пр. білко, толщ, цукор і мінеральні соли в формі легко присвоєтальної.

Яко очищаюче средство служить в перших днях життя теляти курастра, в виду чого треба ю все давати телятю, а не выдоивати на землю, як то робят гдекотры. Порції молока в перших днях мають быти малы, бо жолудок у теляти єст малый. Не повинно ся давати в перших днях больше як 1 1/4 літра денно. Тот корм давати 4 до 5 раз денно, бо в противном разі може теля достати бігунку. В міру розроста жолудка, што поступат скоро, треба увеличати порції молока, а по тыждні, або кус погодивше доходить ся до нормальной порції. Тота порція выносит для бычка 1 1/6 часть єго вагы а для телички 1 1/7. Вагу треба провірити в третом дні по отеліню. Так нпр. єсли теля важило 30 кг. треба єму давати 5 кг. молока денно.

По трох неділях додаєме по горстці пшеничных отруб и так кормиме до 2-ох місяцов, пак поменьшаєме количество полного молока. Униманє полного молока мусит поступати барз поволи. Унимати што другый день по 1 кг. и заступати молоком худым. Недостаючий толщ треба заступати льняным сіменем. (3 дкг. на 1 л. мілко потолченого и розвареного) Худым молоком повинно ся кормити телята до 5 місяцов, даючи им 3—4 л. денно. Розуміє ся, же тот корм єст для теляти невыстарчаючий, теля єст голодне и учит ся с конечности принимати суху пашу. Для вчасного привикнення теляти до приниманя сухого корму, даєме до жолобка уж в четвертом тыждні кус доброго сіна. Теля бавит ся сіном и научит ся їсти. Можеме до жолобка всыпати также кус пшеничных отруб, котры пак дополняєме гнетеным овсом. Штобы тот корм не псул ся, треба єго часто міняти и чистити жолобок. Поступаючи так, научиме телята їсти суху пашу и як прийде час перехода с молока на пашу, теля їст и чує ся добре.

Если хочєме ховати телята рационально, то не можеме давати телятю ссати, бо єсли маме добре молочны коровы и позволимє телятю ссати, може легко послїдовати перессанє. Если даєме телятю лем частичне ссанє, а от решты молока теля отсаджамє, то 1) не можеме провірити, килько молока теля выссало 2) єст то для коровы прикре и коровы задержуют молоко 3) телята трудно учат ся пити и марніют. А знаєме, же єсли в молодом віку теля примарніє, то пак трудно тоты бракы надогнати. Штобы не мати таких клопотов, треба зараз по отеліню теля отсадити и давати єму пити с дойника, бо втотчас мы можеме нормовати порції, а не теля само собі.

Давнійше а и тепер ище єст много сторонников ссаня коров через телята. Бєсїдуют они, же єст то способ найлучший, бо приближенный до натуры. Але практика выказала, же телята кормлены от початку с дойника роснут и розвивают ся лучше. Таксамо оказало ся неправдивым повтарянє, же теля ссанєм розвиват вымя.

При кормленю теляти не можна не памятати, же хотячи добре выховати молодеж, треба великой акуратности, чистоты и точности, бо без того добрых результатов не буде.

Телятам повинно ся давати лем молоко матери. Оно спольнят не лем в перших днях велику ролю, яко курастра, але и через

цілый час кормленя, бо через тєто молоко теля щєпит ся и уотпорнят прєтив тым хворотам, якы мати переходила в часі своєго житя.

Як до тепер было важне кормленє молоком, так погодивше треба уважати на сухой корм, який даєме телятю, бо єсли теля в першом році не выростє нормально, то пак буде нерозвинєне, планне и о злом тілозложеню.

Яко корм в том часі надают ся найлучше: овес, сіно и льняны макухы. При кормленю тыма пашами, для розвитку костных частей треба додавати денно 1 до 2 дкг. фосфорана вапна або шлямованой креды. Однак вапно додаванє штучно не має той вартости, што вапно в рослинах, прєто лучше єст давати телятю такы пашы, котры містят в собі вапно. До такых паш належат рослины стручковы, як горох, боб и иншы, котры треба давати в виді круп. Не можна забывати также о кухонной соли, котра способствує лучшому травленю.

Телята добре удержаны до року повинны быти гладкы, без брїха, не росопханы сухом пашом, а особенно сїчком, што вєстрїчат ся у нас часто.

До сухых паш можна додавати также рослины окоповы, котры дїють прочищаючо. С окоповых найлучша єст морков, бо она має много цукру. Где нїт моркви, там можна давати буракы, карпелї, або картоплї.

Добры пасовиска сут для молодника барз важны, бо дают єму легко стравный и натуральный корм, який єст трава, містяча в собі много витамин. Крім того пасовиско дає молодежи дуже руху и свїжий воздух.

На жаль у нас нїт добрых пасовиск. Помимо того телята повинно ся гнати на пасовиска, але в стайні треба их так кормити, як єсли бы они на пасовиску не были.

Так кормячи телята в першом році, можеме быти певны, же доховаєме ся счасом добрых, молочных коров и великих волов.



### НАЙВЕКШИЙ И НАЙМЕНЬШИЙ ЧЛОВЕК.

Найвєкшим на свїті человеком тепер живучим єст молодой перс, котрый має 3 м 20 см. высоты и важит лем... 200 кг. Білака не може навет утримати ся в стоячой позыции, бо великанскы розміры єго тіла не позволяют єму на тото.

В Парыжі зас жиє найменьший человек. Тым карликом єст американец Бєрнард Риттер, маючий 22 рокы. Єст он высокий на 55 см. и важит аж... 8 кг. Чує ся он цілковито здоровым. а найприємнішим єго занятєм єст зберанє почтовых марок и читанє книжок о подорожах.



### СЕЛО НАСЕЛЕНЕ ЧЕРЕЗ 11 НАРОДНОСТЕЙ.

В Болгарии єст невелька осада, в котрой жиє населєнє прєдставляюче лем... 11 народностей. Село тото називат ся Гарєброд. Жіют там: болгары, армяне, альбанцы, чєхы, нїмцы, голяндцы, татары, мадяры, туркы, полякы и рускы. Вєкша часть житєлей занимає рольництвом. Сут там 3 школы и 3 святинї: церков, костел и мечет.



## По Лемковщині.

С. Королик Волоскый пов. Сянок. На половині дєрогы из Рыманова до Яслиск при гостинци лежат два наши села Королик Польскый и Королик Волоскый. Оба села шоложены разом, творят одну нарохию и мают одну общу школу. Минувшого року основано тут Читальню имени М. Качковского и сейчас начато будову читальняного дома. Инициятыва основаня читальні а также будовы власного дома вышла от самых селян и то молодых. И тоты молодеы наши короличанє с'умїли прєконати и старших а особенно раду громадску так, што тота ухвалила дати даром метериял с громадского ліса на будову дома. Правда ишла и ту борба, але борба честна так, што тепер и тоты, котры операли ся, находят ся в рядах читальні и всі працюют над окончєнєм дома читальні. Дом уж под дахом, тепер иде работа внутри, выкончают театральну салю. При читальні, як три головны моторы, працюют неустанно три кружки а то: будовельный комитет во главї с Федором Завойским и Федором Сенчаковичом, театральный кружок под руководством Мих. Петрончака и М. Танчака и культурно-просвітительный кружок с М. И. Волошиновичем во главї. Задачом третого кружка єст каждую неділю устроивати сходкы с наперед уложеном и на афишах оголошеном програмом лекций и отчитов. Всї три кружки працюют жваво и на 22 н. ст. мая того року отбудє ся уж во власном домї перше прєдставленє, на котре запрашає наших сусїдов. Можеме смїло сказати, што Королик, принєсе честь Лемковщині, бо короличанє горнут ся до науки и просвіты, хоц и там сут люды рожных поглядов, але николи не выступають поза рамкы народной чєсти и вынаходят такую точку, на котрой старають ся погодити, и никто не выносит ся, што он старший, але працюют всі. Добре было бы, што бы ту с сусїдной нашей интеллигенции кто загостил коли в неділю и тоже заохотил и сказал слово, або с Сянока, або кто с наших студєнтов в час вакаций. Короличанє ото просят! Читальня числит понад 100 членов, дом заинтабулевано на власность читальні Качковского и носит назву: Королик Волоскый, хоц обнимат и Королик Польскый.

Чєсть вам Короличанє! Працуйте, тримайте ся разом, як до тепер, а будєте добрым примїром для других наших лемковских сєл.

Б.



### ДАЛЬШИ ПОЖЕРТВОВАНЯ НА ПРОЦЕС О РУСКУ БУРСУ В НОВОМ САНЧІ.

На процес о маєток Руской Бурсы в Н. Санчі пожертвовали дальше: О. Владимир Мохнацкий с Тылича 5 зл., г-н Т. Фучила упр. школы в Завадці Рым. 5 зл., г. Константин Бодак с Розділя 5 зл., громада Шавник 3 зл., г-н Николай Юрковский управ. школы в Сквиртном 3 зл., г-н Павел Гайда управ. шк. в Терстяні 3 зл.

Всім жертводателям складат выдїл бурсы щирє „Бог запласть!“

ПОМІЩАЙТЕ  
**ОГОЛОШЕНЯ**  
В ГАЗЕТІ „ЛЕМКО“



## Што чути в світі.

**В Ужгороді** в тих днях видобито тлінны останки Незнаного Воина російской арміи собщой гробниці по боях в Карпатах 1915 р. Прах перенесено до гроба при православної церкви, где тыж має ся построи памятник и гроб Незнаного Воина. Акт тот має в теперешном положеню політычне значенє.

**Токио:** На засіданю японского парламента оден с послов заявил, же теперешны совітско-японскы отношеня сут того рода, же населенє жиє под опасностью выбуха совітско-японской войны. В отвіт на тото заявил японский премієр, же на порученє цисара покликано нове правительство, котре всі квестии, а в том числі и квестию совітско-японского конфликта, має рішити в найблизшой будучности.

**Льондон:** Кытайский представитель войсковой комисии, маржал Фенг-Юг-Суанг, права рука презыдента Чанг-Кай-Шека в бесіді с англицкым кореспондентом заввил, же оружный конфликт Кытая с Японієм єст неизбїжний и же Кытай стремит до заключеня договора с Совітами.

**Мадрыт:** Народове Собранє, зложено с около 900 депутатных, выбрало дня 10 мая теперешного премієра Азану презыдентом испанской республики. На него пало 754 голосов.

**Мадрыт:** Газеты подають такыи білянє послїдних розрухов в Испании. В продолженю 14 дней выбухло в Испании 38 новых штрайков, доконано 53 бомбовых замахов и 99 нападов, 52 дома, в том числі много костелов спалено, 47 людей убито и 261. людей ранено.

**В Бенгалі:** (Индии) понад 3 милионам людей грозит страшный голод, а то прото, бо от 30 місяцов не было там дожджа. Терен, на котром єст посуха, выносит 5500 миль квадратных.

**Аддис-Абеба:** Голосного свого часу здрадика раса Гуксу арестовали италияны. Италияны дали ему недавно становиско нахальника абисынской жандармерии. Гукса однак надїял ся, же предложат ему становиско цисара Абисынии, а коли италияны того не зробили, начал нагваряти повірены ему оділы абисынской жандармерии до бунту. О том довідали ся италиянскы власти и дали ему посаду в аресті.

**Ерусалим:** В Палестыні єст дальше поважне положенє. Яффі оголошено воєнне положенє. До Гайфы прибыли транспорты англицкых войск.

**Аддис-Абеба:** Вицекороль Абисынии Бадوليو заявил пресі, же незадолго Италия приступит до организации абисынской державы. На разі италиянскы войска мусят очищати край с банд, котры повстали с недобитков абисынской арміи. Будова улиц, школ и шпиталей займе ряд літ. Бадوليو уж приготують транспорт войск с поворотом до Италии. Италия заберат ся уж до експльоатации натуральных богатств Абисынии. До Абисынии выслано

уж кораблі с рольныма машинами и друкыма кольонизаційныма материялами.

**Парыж:** Комунистычна партия во Франции поставила предложенє утворити на терені Франции місцевы комитеты, (штоси в роді Совітов) Пропозыция тота выкликала в правых кругах занепокоєнє. Кругы тоты боят ся напору тых организаций на будуче правительство.

**В Гамаматсу (Япония)** в наслідок сїдженя затрутого печива захворило около 100 людей, с того умерло уж 38. Полиция єст перекона, же має ся до діла с переступным замахом.

**В Німеччині** появила ся маса хрущей. Хрущи в количестві по килька милионов штук нападають на сады и нищат совсем листя и квіт. В одном селі в Баварии появила ся хмара хрущей долга на 8 км.

**Льондон:** Агенция Рейтера доносит, же в місті Горе, отдаленом от Аддис-Абебы о 350 км. утворило ся нове абисынске правительство, котре приступило до формованя новых войсковых оділов для борбы с италиянами. По бігстві негуса много министров и державных достойников выїхало до Горе, забераючи с собом державны архивы. Италияны подають, же тоты відомости сут неправдивы.

**Атены:** В Греции выбухнул штрайк желизнодорожников, до котрого прилучили ся роботники дуганового промысла. Розрухы выкликаны штрайкуючими в Сальониках и в цілой Македонии приберають грозны розміры. Праві каждого дня доходит до борбы с полициєм, причом полиция єст змушена ужити оружіє. До тепер убито 6 роботников а 30 тяжко ранено.

Правительство зарядило мобилизацию желизнодорожного персонелю.



## Вісти с краю.

**Варшава:** Предсідатель Польского Банка мин. Адам Коц уступил в звязи с введенєм обмежень девизовых, котрым он был протывный. — На єго місце назначено д-ра Вл. Бырку.

**Варшава:** Дня 15. т. м. уступил кабинет Косцялковского, а на єго місце пришло правительство о слїдуючом складі: премієр и министр внутренних діл ген. Фелициян Славой-Складковский, вице-премієр и министр финансов: инж. Евгений Квятковский, министр заграничных діл: Осиф Бек, министр воєнных діл: Тадей Каспржицкий, министр віроисповіданя: проф. д-р Войтіх Свентославский, министр правосудия: д-р Витолд Грабовский, министр рольництва и реф. рольных: Юлий Понятовский, министр промысла и торговлі: Антоний Роман, министр социяльной опеки: Маріян Зьндрам Косцялковский.

**Варшава:** Польске правительство выповіло польско-французский торговельный договор. Переговоры о новыи трактат мають начати ся в найблизшом часі.

**Львов:** Во Львові зашли зміны на становиска. Уступил начальник выділа політычно-социяльного Самбор, а на єго місце заименовано старосту с Ломжи М. Сыску. Місце надкомисара полиции Колацинского, обнял надком. Козакевич с Познаня.

**Варшава:** В своем часі появили ся вісти с Льондону, доносячи о том, же збераны на нар. украинскы ціли гроши забрал для себе Скоропадский. Скоропадский через своего швагера звернул ся до адвоката Брехмана в Варшаві с просьбом выточити процес тым варшавским газетам, котры тоты вісти помістили. Адвокат Брехман не принял заступства Скоропадского, мотывуючи, же ніт основ до скаргы.

**Варшава:** Зарядженєм мин. Рачкевича утворено 5 одільных компаний резервы полиции для веденя самостоятельной акции стремячей до обезпеченя публчного ладу и порядку. 3 компании будут утворены в Варшаві, 1 — в Лодзи и 1 — в Ченстохові.

ДНЯ 31. МАЯ т. р. о год. 4-ой

отбуде ся

в Ганчові горл. пов.

### Загальне Собранє

ЧЛЕНОВ ЧИТ. ИМ. М. КАЧКОВСКОГО,

на котре выділ запрашат доокрестне

населенє и интеллигенцию.

КТО ХОЧЕ ЗАБЕЗПЕЧИТИ СЕБЕ НА СТАРОСТЬ И РОДИНУ

ОТ НУЖДЫ И ГОЛОДА, АБО ЗЛОЖИТИ ДІТЯМ ВІНО,

НЕХАЙ ЯКНАЙСКОРШЕ

заасекурує ся

в асекураційном Товаристві

ВИТА И КРАКОВСКЕ

во ЛЬВОВІ

Асекурацию принимают на цілой Лемковщині  
представителі: гг. Осиф Яновицкий — Крыница-Село и Михаил Перелом — Сянок.